

DISSERTATIO INAUGURALIS IURIDICA
DISQVIRENS
AN

ALTER CONIVGV
TESTAMENTO
RENVNCIARE POSSIT VNIONI
PROLIVM

QVAM
EX AVTORITATE ILLVSTRIS ICTORVM ORDINIS
IN REGIA FRIDERICIANA

PRAESIDE
VIRO EXCELLENTISSIMO CONSVLTISSIMO DOMINO
DOMINO

IOANNE TOBIA CARRACH ICTO
IVRIVM PROFESSORE PVBLICO ORDINARIO
ET FACVLTATIS IURIDICAE
H. T. DECANO

PRO GRADV DOCTORIS

DIE III. OCTOBR. CLIO ID CCL.

DEFENDET
AVTOR ET RESPONDENS

SAMVEL WEISBACH
HAMBVRGENSIS.

HALAE MAGDEBYRGICAE
TYPIS IOANNIS FRIDERICI GRVNERTI

MADE IN THE U.S.A.

MADE IN THE U.S.A.

MADE IN THE U.S.A.

MADE IN THE U.S.A.

MADE IN THE U.S.A.

MADE IN THE U.S.A.

MADE IN THE U.S.A.

MADE IN THE U.S.A.

MADE IN THE U.S.A.

MADE IN THE U.S.A.

MADE IN THE U.S.A.



DISSERTATIO INAUGURALIS IURIDICA
 DISQVIRENS
 AN
ALTER CONIVGV M
TESTAMENTO
 RENVNCIARE POSSIT VNIONI
 PROLIVM

PROOEMIUM.



um ex more non tantum huius
 sed et cuiuslibet academiae sit,
 vt antequam ad quosdam in
 vtroque iure honores perueni-
 re liceat, necesse sit, vt Candi-
 dati thema aliquod publice defendant, coepi et
 ego de materia quapiam cogitare, quam mihi

tractandam fumerem. Et quoniam varie hicce casus diciditur, an alter coniugum per vltimam voluntatem vnioni prolium derogare possit, ita de hoc mentem meam in dissertatione inaugurali testari mihi proposui, illaque per summi Numinis clementiam a me elaborata, eam nunc publici iuris facio. Quam si B. L. fugitiuo oculo perlustrare dignaretur, multa sine dubio loca inueniet, quae deductionem meruissent vberior: enim vero quoniam dissertationem duntaxat inauguralem conscribebam, editionem integri tractatus euitandam fuisse censui, sicque breuitati studui. Materiam quidem quod attinet, me ea, quae iam scripta sunt, iterum rescripsisse, forsā quis existimaugrit; et verum sane est, materiam hanc tam copiose tamque prolixè enucleatam exstare, vt nihil vix, quod non iam expositum sit, amplius restare videatur: verum partim nonnulla tamen adhuc dicenda mihi sunt visa, partim quoque animus meus eo non tetendit, vt videri voluissē, ac si hoc in passu singularia noua inuenta a me tradita sint; sed ego consuetum

fuetum illud candidatorum assertum lubens profiteri volo debeoque: nihil fortassis dictum esse, quod non iam dictum sit prius.

Videt ergo B. L. qua intentione a me elaborata sit haec dissertatio. Cuius autem praefatio operosior, ne peccati aliquid portare videatur: iam iam materiam ipsam aggrediar, quae, si aliquali quodammodo iudicio composita atque explicata ipsi videatur applausa et faustis omnibus, meas, pro exiguo studiorum meorum cumulo primitias eo profecuturus erit; quae autem minus recte a me dicta sunt, ea studio adhuc inculto ignoscere, imo et pro lubitu emendare aequae ac corrigere velit. Dissertatio enim haec Prudentis responsum non est, sed disputatio duntaxat inauguralis, quae potius Prudentum placitis quoniam modo se submittit.

Successio pactitia imprimis inter coniuges intuitu introductionis sine dubio Juri Germanico originem debet. Nam cum confectio istiusmodi successoris pacti inter desponsatos vel coniuges Romanis plane incognita fuerit, et vxor de Jur. Ciuili, si omnes mariti cognati deficerent, in casu duntaxat inopiae succedere potuerit, atque pacta successoria, paucis casibus exceptis, non valuerint. Sic quoad introductionem fundamenti loco ponendum erit Jus Germanicum, utpote quod vti pactis successoriis in genere ita in specie quoque iisdem inter coniuges indulsit, ob communionem honorum inter coniuges vbiuis fere in Germania introductam, vel saltem reliquiae eiusdem tali pacto successorio occasionem dederunt, quod diu iam inter Germanos, antequam Jus ciuile Romanum receptum fuit, obtinuisse tradit STRYK a). Et licet de iure ciuili ob l. 5. C. de Pact. content. tam super dote &c. nunquam pacto, sed vel testamento vel lege hereditatem adipisci quis potuerit, ob fraudes nimirum captationesque, quae in Remp. Romanam admodum irrepserant, e contrario tamen de iure naturae, quilibet rerum suarum moderator et arbiter est, ita ut bona sua in quem velit transferre et eo modo alienare queat, prout suae intentioni quam maxime conueniens esse existimat, adeoque etiam in casum mortis; quod vero talis facultas alienandi de Jur. Nat. cuilibet domino competat, deduxit

PVF.

a) STRYK de success. ab intest. Diff. 8. c. 1. §. 5.

PVPFENDORF b). Quapropter si Respublica quaedam tale pactum successorium J. Nat. fundatum, vti a maioribus nostris in Germania observatum est, sibi opportunum esse perspiciat, nihil ob stare, quò minus inter subditos istiusmodi pactum successorium vel ob consuetudinem, vel ob statum subsistere, et sic valere possit, exhibet MEVIVS c), in quo quod introductum sit, obtineat, ac nondum exoleuerit, testimonii loco esse possunt, statuta Hamburgensia, ita vt secundum illorum tenorem hereditas tum inter s. persistem coniugem, tum inter liberos primii, secundi et tertii matrimonii accurate distribui debeat, prout in pacto successorio conuentum fuisse legitur d).

§. II.

Pactum est conuentio duorum vel plurium in idem placitum, carens nomine, carens causa.

§. III.

Ex his sequitur, neminem secum ipso posse pactum inire, sed vt semper adesse debeant duo vel plures, qui inuicem paciscuntur. Hi similes cogitationes habere debent et sic consentire in idem placitum. In verbis, carens nomine et causa, est differentia inter pactum et contractum. Nominem carere significat carere formula agendi: et haec est differen-

b) PVPFENDORF. de J. N. et G. L. 4. c. 9. §. 1.

c) MEVIVS ad Jus Lubec. P. 2. t. 1. n. 107.

d) Stat. Hamburg. P. II. Tit. XI. Art. XI.

differentia inter pactum et contractus nominatos. Carere causa significiat carere praestatione; et est differentia inter pactum et contractus innominatos. In pacto enim futura praestatio stabilienda est, in contractu autem loquimur de praesenti. Contractus itaque est conventio per se, et sua natura obligationem atque actionem produciens. Iure Romano cum pacto aliter res se habet.

§. III.

Hodie nulla est differentia inter pactum et contractus ratione obligationis. Sum obligatus tam firmiter ex pacto, quam ex stipulatu e). *Sed solum ratione animi intentionis, et hoc respectu oriuntur varii contractus.*

§. V.

Per pacta paciscentes non solum obligantur, sed et saepissime tertius quidam e. g. parentes in pactis dotalibus, quae illis scientibus nec contradicentibus inita per vulg. iur. pr.

§. VI.

Quod sit nulla differentia hodie inter pacta et contractus ratione obligationis §. III. dictum, ex contractibus vero contrahentes firmiter obligantur per vulg. iur. ergo et per pacta.

§. VII.

e) MERTIUS *Parcom. Jur. §.*

§. VII.

Vnio prolium est pactum inter coniuges, de iure aequaliter succedendi liberorum diuersi matrimonii in bona vtriusque coniugis.

Quod haec definitio sit iusta ex conceptu iam liquet, et praeterea consensu Doctorum de vnione prolium confirmatur, qui hac de re etiam definitiones construxerunt a nostra definitione non alienas. Licebit itaque nonnullas proferre ad stabiliendum assertum nostrum. STAVKIVS *V. M. t. de adoption. §. 10.* definit vnionem prolium, quod sit conuentio parentum de liberis diuersorum matrimoniorum ratione successionis adaequandis, vt tam quoad patrem, quam quoad matrem pariter censeantur, ac si ex eodem matrimonio prognati essent. SCHAVMBVRGIUS in *D. t. de adops. §. 8.* dicit: vnionem prolium esse pactum adquisitionum solenne vi cuius parentes cum liberis diuersi matrimonii successionem iuris communis communicant. BEYER *delineat. Iur. Germ. Lib. I. C. XXV. §. 1.* vtitur definitione, quod sit pactum successorium, quo liberi diuersi matrimonii ad vtriusque parentis successionem aequae vocantur, ac si ex posteriori matrimonio geniti essent. Hoc ad iustificandam nostram definitionem sufficere iudico: reliquas explicationes transire sicco pede permissam erit.

§. VIII.

In omni pacto requiritur consensus paciscentium, si pactum esse debeat validum. Vnio prolium est pactum, ergo necesse est, vt adsit consensus paciscentium.

B

§. IX.

§. IX.

Consensus qui requiritur vel expressis verbis declaratur vel per facta vel plane non: in casu priori dicitur consensus expressus, in secundo tacitus, uterque est verus, in posteriori per aequitatem praesumitur, et tunc consensus praesumptus audit. Vbi est consensus plurium in idem vel expressus vel tacitus vel praesumptus ibi est pactum.

§. X.

Hodie pacta firmum ius firmamque obligationem inter contrahentes vel paciscentes producunt §. 6. et quidem tricae iuris Romani in nostris prouinciis nunquam sunt receptae, sed aequitas in illis semper contra ius Romanum in hac materia auctoritatem suam obtinuit.

§. XI.

Obligatio est necessitatio moralis f). Ad nonnullas obligationes possum cogi; nonnullae vero plane non admittunt coactionem. Si prius, obligatio externa in statu naturali, naturalis, in statu ciuili, ciuilis dicitur. Si posterius, internae obligationis nomine venit. De hac iam non est sermo: sed in materia pactorum, vbi de obligationibus loquimur, semper de obligatione externa ciuili hic agitur.

§. XII.

f) *Metaph. BAYMGART, §. 723.*

§. XII.

Ius hic pro qualitate personae sumitur, et est facultas moralis.

§. XIII.

Omne morale propius cum libertate connexum per prin. Meta. ubi ergo morale ibi et esse debet libertas, sublata libertate, tollenda etiam est moralitas.

§. XIV.

Quilibet videt, libertatem esse rationem moralitatis, nam ex libertate cognosci potest, cur sit morale. Ex quo cognoscibile, cur aliquid sit, est eiusdem ratio: ergo, libertas, est ratio moralitatis.

§. XV.

Omnes, quibus competit libertas de illis etiam moralitas praedicari potest, §. praec. ergo et facultas obligandi. hinc et ius.

§. XVI.

Vbi non est libertas, ibi cessat omne morale, hinc et facultas obligandi §. praec. hinc et obligatio ipsa et ius.

Ex his apparet impossibilitas obligationis dementis, furiosi, summe ebrii, infantis et animalis irrationalis etc. cum de his libertas non possit praedicari durante furore, dementia, infantia, ebrietate, in animalibus vero irrationalibus est absolute impossibile, ut se possint obligare, quia nunquam illis spes est adipiscendi libertatem.

§. XVII.

De diuersis rebus pacta ineuntur. Res, de qua pactum initur, esse etiam potest hereditas. Si de viuentis hereditate pactum ineatur, hoc pactum dicitur pactum successorium, in quo de successione disponit pacifcens. Is, in cuius fauorem hoc pactum initur, iam habuit ius succedendi in hereditatem, vel non. Si ei iam est ius succedendi ante pactum existens, hoc pactum dicitur pactum conseruatium, si non, pactum adquisitiuum audit. Pactum successorium adquisitiuum vel bona pacifcentis concernit, vel bona tertii alicuius, casu posteriori dicitur pactum dispositiuum.

Pacta successoria interdum etiam per modum vltimae voluntatis ineuntur: quis vero non videt, ea improprie pacta successoria vocari, naturam magis vltimarum voluntatum induentia, quam pactorum. Ex pactis pacifcentes ius quaesitum statim adquireunt, quod non eodem modo se habet in pactis per modum vltimae voluntatis initis, in quibus dicitur: voluntas hominis ambulatoria est vsque ad mortem; ergo disponens a sua dispositione vsque ad mortem recedere potest. Deinde in his etiam testes requi-

requiruntur, si illis esse debeat effectus, qui non requiruntur in pactis proprie sic dictis. Differunt adhuc in aliis. Quia vero ad causam nostram, quam in praesentiarum agimus, haec sufficiunt, reliqua silentio praetermittam, et sufficiat monuisse, quod maiori iure pacta per modum ultimae voluntatis inita ultimis voluntatibus annumerentur.

§. XVIII.

Pacta non solum in fauorem contrahentium ineuntur, sed iure nouo etiam tertius ex pacto acquirere potest, quamquam acceptatio ab eo non sit facta. Pacta successoria adquisitiua aliquando etiam sunt pacta in fauorem tertii inita, ergo etiam tertio ex illis ius quaeritur, quamuis acceptatio ab eo non sit interposita.

§. XIX.

Pacta in praeiudicium tertii inita non habent effectum, nisi acceptatio efficaciter ab eo, de cuius praeiudicio agitur, accedat. Omnia pacta igitur in praeiudicium tertii inita ab eo autem non acceptata sunt pacta inualida. Si vero sint inualida is etiam in cuius fauorem sunt inita nihil ex illis consequitur, quia alias cum damno alterius locupletior fieret, quod reprobant iura nostra et aequitas.

§. XX.

Vnio prolium est species pactorum adquisitiuorum successiorum. Sed etiam dici potest pactum renuncia-

tium. Vnio prolium initur inter coniuges, per definit §. 7. Ante pactum hoc initum priuignus non habebat ius succedendi in bona vitrici sui, vel nouercae suae: inito vero pacto gaudet eo iure simul cum liberis propriis vitrici vel nouercae, et hoc respectu est vnio prolium pactum adquisitium.

Secundum Nouell. CXVIII. liberis competit ius succedendi in omnia bona sui parentis et omnes propinqui ab illis excluduntur: quamuis iure nouo etiam coniux superstes pauper admittendus sit, in eo casu, si mulier a viro iniuste matrimonio eiecta fuerit g). Pacto de vnione prolium inito ius ex Nouell. CXVIII. liberis competens imminuitur, hinc aliquid de iure suo amittunt. Illud autem pactum, per quod quid iuris vel res amittitur, dicitur pactum renunciatiuum, ergo pactum de vnione prolium et quidem reciprocum est pactum renunciatiuum.

§. XXI.

Vnio simul esse potest pactum adquisitium et renunciatiuum. In vnione prolium prospicitur liberis, qui citra vnionem non habebant ius succedendi in bona vitrici vel nouercae §. 7. et hoc respectu vnio prolium est pactum adquisitium. Quatenus vnio ita consideratur, non necesse est, vt priuigni eam acceptent, quia in hoc casu prae-

g) HYBERVS *Prael. ad Inst.*

praesumptio loco acceptationis est. Quatenus vero liberi proprii inde ius amittunt, vi cuius soli succedere possent in bona omnia sui parentis, vnio prolium pariter est pactum renunciatiuum. His in pactis vero, cum non praesumi per aequitatem quis possit, quod admittere velit, si conditio eius fiat deterior, acceptatio vt fiat, necesse est. Doctores etiam acceptationem necessario requirunt secundum iuris ciuilis principia h).

§. XXII.

Liberi vt acceptent vnionem, necesse est §. praec. si vero non in eo sunt, vt acceptare possint, v. g. Si laborent dementia, furore, aut adhuc sint infantes, aut minores, tunc tutores et curatores faciunt, quod liberis est impossibile i), i. e. curatores aut tutores acceptant vnionem.

Quamquam ab adoptione ad vnionem prolium non omnimode valeat consequentia, quia valde inter se differunt adoptio et vnio, concludendum tamen est ab ea ad vnionem prolium vbi eadem ratio inuenitur. In arrogatione tanquam specie adoptionis necesse est, vt autor fiat arrogatus k) hanc ob rationem, quia arrogandi conditio fit deterior, quatenus ergo conditio vnitorum sit deterior per vnionem, semper eorum aut curatorum aut tutorum consensus i. e. acceptatio requiritur.

§. XXIII.

h) *Arg. l. ult. C. de adopt.*

i) *Arg. L. 3. de adopt.*

k) *L. 11. ff. de his, qui sui vel al. iur.*

§. XXIII.

Quum hodie pacta firmum ius firmamque obligationem producant §. 4. 6. vnientes ab vnione inita recedere non possunt.

§. XXIV.

Pacta, quae ineuntur, de rebus iniri debent, quae dispositioni liberae paciscentium subsunt. In vnione prolium de successionem in bona vtrorumque parentum respectu liberorum diuersi matrimonii disponitur §. 7. hinc bona, de quibus vnio instituitur, dispositioni coniugum subesse debent.

§. XXV.

Si coniuges vnionem prolium per pactum celebrant, vterque coniux per pactum hocce est obligatus §. 4. 6. et vterque acquirit ius; et quidem ius quaesitum, hinc irrevocabile; hinc pacto huic standum est. Nulli itaque paciscentium licet recedere a pacto, nisi paciscentes obligationes voluntarie sibi inuicem remittant.

§. XXVI.

Si testamentum ab uno contrahentium ante vnionem prolium exstat, existente postea pacto de vnione effectum habere non potest, si pacto est contrarium. Ex testamento heres in testamento denominatus ex eo superstite testatore non acquirit ius, sed solam spem, ergo testator ex testamen-

stamento non est obligatus, hinc eius voluntas ambulatoria vsque ad mortem 1). Si pactum de vnione prolium ab eo ineatur, qui per testamentum iam de successione in hereditatem disposuit, is per pactum declarat mutationem voluntatis suae, hinc per pactum successorium simulque per vnionem prolium testamentum infirmatur, hoc ergo nullum amplius habet effectum.

§. XXVII.

Pacto de vnione existente vnienſ de proprietate, quoad alienationem inter viuos, disponere amplius non potest, quia per vnionem liberis vnitis ius succedendi oritur, si acceptauerint §. 21. Fructus ad dies vitae ex bonis suis percipit, quae vnio afficit, quia vnio modo de proprietate non vero de fructibus, quousque vnienſ vivit, initur per def.

§. XXVIII.

Neque mortis causa dispositio ei est salua. Liberi qui vniuntur dicuntur vniti. Vniti vel referuntur ad vnientem a quo sunt procreati vel non: si prius, vniti nominantur proprii; si posterius vnitorum non priorum nomine veniunt. Vnitis propriis sine pacto de vnione est ius succedendi in bona vnientis vel per testamentum vel ab intestato. Vnitis vero non propriis sine hoc pacto ius succedendi non competit: utrique tam vniti proprii quam non proprii existente pacto, secundum id succedunt, per pactum vero firmum acquiritur ius §. 4. Ergo testamentum contra vnionem prolium valere non potest.

§. XXVIII.

Multi putant, vnionem prolium et adoptionem in plurimis

C

1) L. 4. ff. de adimend. vel transf. L. 22. pr. ff. de legat. 3.

rimisconuenire, sed frustra. Vnio prolium sola successionis communicatione determinatur §. 7. in adoptione vero non solum agitur de successione, sed adoptio etiam patriam potestatem et omnia filiorum iura tribuit. Magnam igitur differentiam inter adoptionem et unionem facile quisque perspiciet. Accidit saepissime, vt personae quaedam matrimonium contrahant, quarum aut vtrique aut altera solum iam ex priori matrimonio liberos habet. Si posterius quoque contingat, semper tamen spes adest in matrimonio liberos procreandi. Quo nunc dissidiis inter diuersi matrimonii liberos oriturus iretur obuiam, hocce pactum antiquis Germanorum moribus fuit introductum m). Nam sine hocce pacto liberi prioris matrimonii non sunt heredes alterius coniugis, quia liberi proprii eos excludunt, et quia sunt affines, affinium vero nulla est successio. Quam ob causam moris fuit apud Germanos liberos diuersi matrimonii ratione successionis in bona vtriusque parentis adaequare per unionem prolium, quo vtrisque parentibus, tam patri quam matri, succedere possint.

§. XXX.

Requiritur in vnione prolium decretum magistratus n). Quamquam in pactis successoriis alias non requiratur decretum magistratus o), hodie tamen eo iure vtimur, vt magistratus decretum requiratur, quod ius per consuetudinem introductum, de interponendo decreto, priuato ausu immutari

m) MVSCL. *ad vniuers. l. 23.*

n) SCHILTER. *Exerc. 8. tb. 40.*

o) *Arg. l. 6. Cod. de prach. et al. reb.*

tari non potest. Et cum consuetudo vim legis habeat, ergo vnientes teneantur adhibere decretum magistratus.

§. XXXI.

Propinqui vt consentiant, necesse est p) in vnione prolium. In omnibus pactis requiritur alias eorum consensus quorum interest, iam omnium proximorum propinquorum interest, quia certo modo priuantur iure succedendi in bona propinqui, quae ex parte in extraneum decoluantur, puta in vnitum non proprium, ergo, vt consensus eorum accedat, necesse est.

§. XXXII.

Vt fiat vnio prolium coram iudice competente, vt accedat causae cognitio, ne liberi laedantur, vt instrumentum desuper conficiatur et archiuo publico inferatur, tutius est, quia in multis locis receptum est.

§. XXXIII.

Inter vnionem prolium et contractum societatis magna etiam intercedit differentia. Societas dissoluitur vnus socii morte, tam naturali quam ciuili q), nec non ~~renunciatione vnus socii r)~~ quae omnia non ita se habent in vnione prolium. Siquidem non possumus sustinere, dicere, vnionem prolium dissolui vnus coniugis morte, aut renunciatione vnus vnientis: cum successio liberorum vnitorum aequalis, tanquam finis vnionis prolium, plene non prius obtineatur, quam mortuo vtroque,

C 2

con-

p) *Arg. L. 39. de adopt.*

q) *J. 5. Inst. L. 63. §. ultim. ff. de societ.*

r) *J. 4. Inst. de Societ.*

coniuge vniente s). Aliter est, si vnio prolium expressis verbis ad tempus coniugii restricta, vel plena diuisio post mortem vnus coniugis instituta sit realiter. At posito eiusmodi casu, vnio prolium ita inita extinguitur morte illius, qui liberos sibi adsciuit, non item alterius e. g. cum maritus liberis orbatus, liberos sponsae ex priore matrimonio susceptos cum liberis noui matrimonii exaequat, vt aequaliter sibi succedant, vnio prolium morte non matris sed patris finitur.

§. XXXIV.

Liberi non habent ius exigendi bona, quae afficit vnio, viuo adhuc vniente. Liberi vniti per vnionem liberorum propriorum in successione ius nanciscuntur si sint vniti non proprii: si sint vniti proprii illorum ius per pactum de vnione tantummodo confirmatur. Cum autem liberi proprii non habeant ius exigendi viuentis hereditatem, et vniti vel proprii vel non proprii id habere non possunt, viuo adhuc vniente.

§. XXXV.

Constitutio Moguntinensis, quae a Friderico III. anno 1450. publicata, est norma et regula diiudicandi vnionem prolium nonsolum in Camera Imperiali sed et alibi t). In Augustissima Imperiali Camera magis pro vnione prolium, quam pro testamento sententia fertur.

s) *lege 138. ff. de R. I. STRYK de success. ab intestat. Diss. l. c. 4. §. 20.*

t) *GAILIVS. L. 2. obser. 125. n. 7. CARPZOV. Lib. 5. Resp. 6.*

T A N T V M.

PRAEF.

PRAENOBILISSIMO
ATQVE
CONSULTISSIMO
DOMINO CANDIDATO

S. P. D.
PRAESES.

Quemadmodum nihil magis naturale est, quam ut salua cui-
que sit sentiendi libertas, quousque quis ea non abutitur in
reipublicae aut religionis detrimentum: ita sane eadem
Candidatis in eligendis sibi et elaborandis dissertationibus inaugu-
ralibus eo magis indulgenda est, quo durior eorum foret conditio,
si hac in parte a Decani penderent nutu, qui facilius ab hoc, di-
uersaliter sentiente, iuuantur, quam ut huius argutias defendere-
queant. Id TIBI quoque, VIR PRAENOBILISSIME, qui
forte me Facultatis Iuridicae h. t. Decano, ab Ordine Inclito ho-
nores Doctores impetrare desiderasti, concedendum eo lubentius

*duxi, quo minus a me imbutus es doctrinis, adeoque parum oportu-
num videtur commensationem quandam a TE in conflictu inau-
gurali propugnandam TIBI obivudere. Postquam enim integrum
triennium in academia Fridericiana in Philosophiam pariter ac lu-
risprudentiam impendisti, feliciter hoc stadium emensus Wetzla-
riam TE contulisti, ibique praxi Camerali Imperiali addiscendae
per annum nauasti operam. Cumque hucusque res istae prospere
TIBI cesserint, practicae vitae in posterum quoque TE totum
dedisti, et quo rebus TVIS melius conjulas ad Doctoris in viroque
Iure honores adspirasti, quem in finem examina non solum susti-
nuisti, sed etiam dissertationem inauguralem proprio Marte prorsus
a TE elaboratam mihi obtulisti. Hanc ergo nunc publice de-
fendendam TIBI reddo a me prorsus non delatam, neque eidem
quicquam ex iis, quae ego hac in causa sentio, interpolavi, sed ma-
lui, ut peculiares prorsus habeas TVAS lucubrationes, ne vlla ex
parte TIBI opus sit separationis beneficio. Non dubito caeterum,
quin labores TVOS in ipso conflictu disputatorio mascule sis propu-
gnaturus, sed potius summos in Iure Honores TIBI statim conse-
rendos gratulor, atque ut reliqua omnia ex sententia TVA in futu-
rum quoque fluant, ex animo adprecor. Vale. Dab. Halae Mag-
deburgicae die XXX. Sept. Anni cło lő ccl.*

CON-

CONSVLTISSIMO
DOMINO CANDIDATO

S. D.

IOANNES PHILIPPVS CARRACH

VRIS VTRIVSQ' ET PHILOSOPHIAE DOCTOR.

Non mediocri profecto iucunditati mihi fuit, quod, ubi arctius
foedus firmioremque coniunctionem cum Themide sancire
statuisti, me pro subeundo paranympho officio quam huma-
nissime adieris: qua de re non potui, quin oriundam exinde animi
mei elationem vel tabula hac publice significem, TIBIque, CON-
SVLTISSIME CANDIDATE, honores, quibus initiandus es, for-
tunatos ominer auspiciatosque: Direxisti omnino vitam ad eiusmodi
rationis normam, quae ciuitati salutaris eiusque commodis aptis-
sima, quum internum ad causarum dictionem animum rectis stu-
diis et artibus hucusque ita praecultum reddideris et praepara-
tum, ut feliciori successu in splendidissimam arenam Wezlariensem
TIBI nunc sit descendendum. Festis itaque vocibus TE in praesen-
tiarum gratundus excipio. Fluant TIBI omnes res supra vo-
tum, non ancipiti quid suscipias fortuna, verum quaecunque
TIBI secunde procedant. ~~Deo usque~~ DEVS immortalis TIBI
dies luculentos, omnesque candidissimo notandos calculo. Cae-
serum nec in me voluntatis inclinatione propendere desinas, qui
iterata vice sollemne istud TIBI acclamo: Feliciter, quod agis!
Omnia ergo profluenter, absolute, prospere! Vale! Hallae Salicae
vi. Nonas Octobris A. R. S. clō lo ccl.

PRAE-

PRAENOBILISSIMO
ET
CONSULTISSIMO
DOMINO CANDIDATO

S. P. D.

ERNESTVS FRIDERICVS KNORRE

IVR. VTR. DOCTORAND. OPPONENS.

Amicitia Tua desideratissima, VIR CONSULTISSIME,
qua me, cum apud nos vitam viueres academicam, di-
gnari TIBI placuit, nil incundius, nil acceptius mihi
esse potuit. Quoties enim familiaritate Tua usus sum; toties sin-
gularem discendi ardorem, summum cognitionem Tuam in dies ad-
augendi desiderium, nec non morum suauitatem eximiam in TE
deprehendi. Et inde fit, ut magna cum voluptate illa tempora
recorder, nec sine letitia ea in mentem reuocem, quibus iisdem
doctrinis iisdemque praeceptoribus instituti sumus. Semper enim
in

industriū TE praeuisti Auditorem Tuis Doctoribus, nihilque fecisti reliqui, ut quaeuis utilia ab iis proponi solita in Tuum conuerteres usum. Sed effluerunt dies isti. Adsumt alii celebriores, fortunae Tuae inservientes eamque insigniter promouentes. Inter quos hodiernum praecipue iam nomino, qui et praesenti scriptioni causam dedit. Cum enim peracto studio academico, nostras musas reiinquens, Wezlariam TE eo animo contulisti, ut Præxin Imperialem magis magisque TIBI redderes cognitam atque perspectam, res successit feliciter. Quid mirum itaque si post sesquiannum ad nos reuertens iam hodierna luce, ex iudicio eorum, qui vires aliorum explorare optime norunt, ut dignissimus honores doctores accipias. Amicitiae nostrae leges et mihi iniungunt, ne hunc diem TIBI solemnem, aliis honoribus viam mirifice sternentem, tacens praeteream. Agam itaque, quae officia, quibus TIBI teneor, postulant exiguntue. Gratulor nimirum TIBI, non ex consuetudine, sed ex intimo pectoris fonte honores quibus exornaberis hodie. Patria iam intelligit, TE spem, quam ab incunte aetate de TE conceperat, non solum non sefellisse, verum maxima ex parte superasse. Ego ex animo opto, ut quaeuis conamina TIBI cedant feliciter. Vivas floreasque per multos annos, ut decus patriae, ut ornamentum reipublicae litterariae certissimum. Ceterum vale, mihique, quod facis, faue. Dabam Halae die III. Octobr. ab I. C. C. L.



So muß ein feindlicher Glanz, gleich einem gefräßigen
 Ströme,
 Der räubrißch grundlose Hütten creilt
 Und hungrig verschlingt, so muß er, wenn er der zögernden
 Dämrung
 Sterben zuhaucht, daß ihr bebender Fuß
 Raum schlafende Haine erreicht, die leichten Schwingen des
 Schlafes
 Womit er der Seele die Träume zuweht,
 Umschleichen, und ihn wehrlos in prächtige Kerker ver-
 schwemmen,
 Wo ihn die Wollust verschwenderisch genießt.
 Ihn, der mit wirksamer Linken einen Schleier der Traurig-
 keit zuwarf
 Aus mitternächtigen Schatten gewürkt;
 Der sie meinem Auge verbarg: Und dessen schöpfrische
 Rechte
 Träumen, die sich an der Möglichkeit Rand
 Zweifelhaft wälzten, das Daseyn zuwinkten: daß sie hin
 zu mir
 Jugendlich hüpfften, und um mich herum
 Bald muntere Scherze jagten, und Freuden; bald mir
 Gedanken,
 Die ich nur dachte, als mich mein Freund

Noch

Noch göttlich küßte, Gedanken, die ich nie wachend mehr
fühle,

Zulispelsten; bald aber das Bild
Meines Freundes mir zeigten, und schalkhaft auf meinem
Lager verloren.

Rehrt die Betrübnis denn zu mir zurück
Und sieht die gaukelnden Freuden, so glaubt sie zu irren, weil
sie mich

Einsam nur Tage hin weinen sah;
Und Seufzer, die auch kein Widerhall hörte, in einsamen
Mauren

Bersperret, sich dregnten, und sich zurück
In ihren Ursprung stürzten. So schuf mir der Schlaf,
umflossen

Von Leiden, die mit mir erst vergehn,
Augenblicke der Freude. Doch die sind zu lang. Ein neidi-
scher Schimmer

Gönnt mir den Irrthum nicht, der mich vergnügt.
Er quält mich mit Wahrheit = = = Wie? ist ers? ist denn
mein Freund gar vergöttert,

Daß er auf Flügeln des Lichtes sich wieg?
Ihn meldet der Glanz. Um seinen Schlaf krümmen sich hei-
lige Reiser,

So wie sie die Weisheit den Söhnen ertheilt

Die ihr nie wechselnder Flug bis auf den göttlichen Berg
trägt

Wo man aus Wolken die Welt übersieht.

O Freund! zu groß meinen Wünschen, ich kan dich nur
noch bewundern,

Steig in die göttliche Wohnung zurück!

Doch, wär es doch möglich, daß sich durch diese schwindeln-
den Höhe

Dein Blick von deinem Freunde verliert?

F. P. B. Taute I. U. C.
opponens.



A 11471593